

禁烟運動宣傳綱要

中華民國二十年六月

禁煙運動宣傳綱要

中國國民黨中央執行委員會宣傳部頒行
河南省黨務指導委員會重印

禁煙運動宣傳綱要目次

一 鴉片的禍害及其流布概況

- 甲 對於民族的禍害
- 乙 對於國家的禍害
- 丙 對於民生的禍害
- 丁 煙毒流布概況

二 禁煙運動的意義及史略

- 甲 禁煙的重要意義
- 乙 禁煙運動的史略

禁煙運動宣傳綱要目次

三 剷除煙禍的實施辦法

甲 政府方面

乙 社會方面

四 對禁煙應有的努力

甲 政府方面的努力

乙 民衆方面的努力

五 標語口號

禁煙運動宣傳綱要

一、鴉片的禍害及其流布概況

鴉片及各種麻醉品，戕賊人民之身體，破壞社會之健全，動搖國家之根本，危害民族之生存，爲害之烈，無與倫比。我國慘受鴉片之毒害，罄竹難書，百餘年來，弱國病民，其禍迄未稍已。舉凡外交之失敗，國權之喪失，政治之紛亂，經濟之落後，推而至於民德之墮落，民智之退步，莫非此物爲厲之階。降及近年，爲禍尤烈。加以嗎啡海洛因高根等同惡相濟，充斥市面，毒遍海內，並及華僑，受禍之酷，匪可言喻。考鴉片之來華，實遠在百年以前。先是英人既奪葡萄牙人東亞貿易之特權，乃將其屬地印度所產之鴉片，大批販運來華，以戕賊我國人之身體，吸收我國人之金錢。至清道光十六年，英人私運來華之鴉片，竟達二萬多箱，值銀二千餘萬兩。道光十九年，林則徐奉命赴粵禁

煙，將英人鴉片數萬箱焚燬，與英人發生衝突。英政府乃遣派海軍，猛攻江浙福建河北各海口，我軍大敗；結果簽訂和約，賠償英人鴉片煙價及兵費共二千一百萬兩，割讓南海要塞之香港，開放五個重要的商埠：即所謂鴉片戰爭及南京條約是也。喪帥辱國，失地賠償，開訂立不平等條約之惡例，形成今日次殖民地之地位，吾人撫摩創痕，默察隱患，欲求國人堅定其拒毒之意志，必使於煙禍有明確之認識而後可，茲將鴉片禍害及其流布概況分述於次：

甲，對於民族的禍害

(1) 使身體成爲殘廢 鴉片富於麻醉性，爲亡國滅種之毒物，吸之可以激刺神經，戕害體魄，斲喪精神，墮落品格，使智者爲昏庸，賢者成不肖。我國在昔染此癖者，大都中年以上，近則一般青年亦嗜之。每見身體健強，天資聰穎之青年，一榻橫陳，吞雲吐霧，光陰因之廢弛，形容因之枯槁，精神因之痿憊，智能因之斲喪，人格因之掃地，萬事棄而弗顧，日惟蟄臥斗室，奄奄一息，雖生猶死，所育子女，亦因遺傳而衰弱，影響

民族生存甚大。故在個人則貽害一生，在國家社會則蒙莫大之損失，深望我國民亟求自拔，毋使滅種之慘禍，促現於床榻之間也。

(2)使民族衰弱萎靡 本黨 總理孫中山先生所創立之三民主義，列民族主義為首要，因民為邦本，本固邦甯。方今列強人口俱現迅速之增加，而我國人口則日見減少，人口之壓迫，已不堪任；而帝國主義者又藉不平等條約為護符，厲行其鴉片政策，務使我日見減少之民族，精神體格，復日趨於衰弱而滅亡，其兇殘狡毒，較諸經濟侵略及暴力壓迫為尤甚。吾人應知民族乃由個人集合而成，苟其份子多吸食鴉片，頹弱萎靡，則雖無外力之壓迫，亦必逐漸減少，趨於滅亡。總理對於鴉片毒害，深惡痛絕，故本黨政綱，首在掃除煙毒。際茲訓政期間，我國民須下澈底禁絕之決心，遵照 總理遺教，本黨政策，及中央禁煙之法令，努力剷除煙毒；斷不能任黑化之惡勢力，仍潛伏於青天白日旗幟之下。

乙、對於國家的禍害

禁煙運動宣傳綱要

禁煙運動宣傳綱要

(1) 釀成匪患擾害社會 因煙禁之廢弛，種煙者多，故煙土過剩，吸轉盛，家傾產蕩，無所不爲，盜賊奸宄，緣之而生。社會之份子既不健全，閭閻之安自難確保。就上海一隅論，綁劫焚殺，拐騙欺詐之事，日有所聞，破獲之匪窟，十九均爲鴉片巢穴。今日各地匪盜如毛，最大之原因，固由饑寒交迫，但亦未始非鴉片流毒所致。因吸煙之人，只有消耗，不能生產，且既吸食上癮，又非日日吸食不可，及資財耗盡，無法籌措，則惟有挺而走險，作奸犯科，無所不爲。試察捕獲之匪盜，不但多數吸煙，且煙癮甚大，是其明證。總之，我國之匪患實由鴉片所釀成，非澈底禁絕煙毒，則匪患永無肅清之望。

(2) 引起戰爭危害國本 帝國主義之惡勢力隨鴉片侵入我國後，又利用國內軍閥，以遂其巧取豪奪之野心；於是先有袁氏之帝制自爲，後有武人之擁兵割據。兵多餉絀，則仰給於種煙，互爭煙稅，則取決於干戈。十餘年來，軍閥割據，戰亂頻仍，民不聊生，國本動搖，均與鴉片有莫大之關係。軍閥擁兵自固，餉無所出，則勒令種煙，重抽煙稅

，四川貴州雲南陝西福建等省過去之情形，可爲佐證。福建每年煙稅收入有二千萬元，陝西四川雲南各一千五百餘萬元，貴州江西等處亦各有五六百萬元。湖南湖北兩省煙捐尤鉅。湘西爲由川黔入長沙漢口之孔道，洪江一處，鴉片捐每月收入有一百萬元；國軍北伐以前，湘西曾有一次極大戰爭，卽爲爭收此項煙捐而起。民國十三年齊盧之戰，各出全力爭奪上海，亦爲鴉片市場問題，江南九縣，殘毀無餘，民不聊生，死亡枕藉。據外人調查，波斯土每年輸入有六千箱，其他印度土，土耳其土，雲貴土稱是，皆由軍閥保護輸入，每箱索賄二千元，大利所在，卒得不爭。由此可知鴉片不但爲帝國主義之急先鋒，並爲歷年軍閥禍國病民之導火線；吾人打倒一切軍閥，應先努力禁絕鴉片，以斷絕軍閥之命脈。

丙，對於民生的禍害

毒物入口利權外溢 自一八四二年鴉片戰爭失敗後，訂南京條約，割香港於英，賠款二千一百萬兩，開放上海，廣州，福州，甯波，廈門五口爲通商口岸，開一切不平

等條約之先河，鴉片及其他麻醉藥品輸入之量，與年遞增。據民國十五年海關調查，由印度輸入大小煙土被江海一關破獲者，有四千餘萬兩，由波斯輸入之紅土，有一千八百餘萬兩，至嗎啡高根海洛因等由德法瑞士日本等國輸入者，亦在一百餘萬兩。就大連一處而論，外國鴉片從大運運進者，有六十九萬八千八百九十七兩，價值在百萬左右，其他別處秘密運入，尙在不少。由此可知我國一年之中，爲鴉片毒物流出之金錢，將近一萬萬元。此種巨大之損失，皆我國民膏脂，設以之發展農工商業，啓發利源，則國民經濟，必有振興之望。爲振興實業計，爲挽回利權計，俱須澈底禁絕鴉片及其他入口毒物。

(2) 減少生產影響民食 前此禁煙廢弛，各省農人，或由軍閥勒逼，或因自貪小利，多將良田沃地，改栽鴉片。據調查報告，全國煙區，計有遼寧，黑龍江，河北，山東。

陝西，河南，四川，雲南，貴州，福建，湖南，湖北，江蘇，安徽，江西，廣東，浙江等省；每年所產土量，當在一千五百萬萬磅，約合二萬萬兩。各省既競種鴉片，

菽麥稻粟等之產量，自然大減，故糧食缺乏，價格飛騰，生活艱難，饑饉蕩臻。如陝甘豫諸省人民，因受軍閥之勒逼，盡種鴉片，至釀成亘古未有之奇災，餓死者達三百餘萬，言之可爲痛心。卽東南各省素號產米之區，亦因種煙之故，饑饉頻聞，疲於賑救。我國素稱以農立國，天府之邦，而民食不足，尙仰給於外洋，鴉片之影響於人民生計，概可想見。然種煙之妨害民食，固屬重大，而吸煙之妨害生產，更屬不小。查全國煙民約共有三千餘萬；此等煙民，皆爲不事生產徒事消費之蠹蟲，生之者寡，用之者衆，國民經濟，遂蒙極大之損害。似此情形，無論國家如何富足，亦必漸次貧弱，矧今日之中國，資本短少，經濟落後，已達極點，若不極圖拯救，則社會崩潰，國家破產，種族滅亡之禍，可立而待。

(3) 耗財敗德破壞家庭，普通家庭，量入爲出，苟有一人身染煙癮，卽減少一人之收入，且增加巨量之支出。貧乏之家，固不必論，中人之家，未有不瞬卽破產，妻離子散者；卽富有之家，亦必至質物罄產，終至淪爲盜賊乞丐。鴉片煙斗，正如銷金之窟，不

論多少財產，信大收入，終至一吸而盡，其破壞家庭之情狀，隨時隨地可以證明。且普通家庭中，雍睦和順，充滿慈孝友愛氣象；若有一人身染煙毒，必至骨肉漸疎，室人交謫，家庭幸福，消滅殆盡。蓋吸煙成癖，卽成廢人，家中各事，咸置不理，天倫友愛，視若等閒，不但不能分負家庭之責任，反增加家庭之痛苦，俾晝作夜，生活顛倒；欲求家庭幸福者，應努力剷除此害！

丁、煙毒流布概況

(1) 國內之煙禍，我國十餘年來，國內軍閥，以種煙可抽重稅，爭相效尤，尤以雲南四川貴州福建湖南河南陝西安徽湖北等省爲甚。民國十六年，北方軍閥以軍費無着，竟明令農民種煙。於是關東及河北山東各省，均公然開種煙苗，以致毒苗遍地，不可收拾；統計全國煙土產量，不下二萬萬兩。據一九二八年英文中國年鑒有韓濟京報告中國煙禍云：『吸煙亦不必祕密，竟如前清末下禁令時同一公開。各省政府爭相徵收鴉片捐稅……吸食鴉片，可以完全不受法律干與；上自省長司令，下至縣長，及其他官員，公然

在衙內吸煙；且持以獻客。大城中旅館飯店，竟公然設燈供客。在火車輪船上吸煙，更且自由。總言之，烏煙瘴氣，已瀰滿了全中國，欲求一片新鮮空氣，不可得也。」其流毒可謂深矣。今者各省糧食缺乏，釀成饑荒，盜匪充斥，反動疊見，多為競種鴉片之結果；故煙苗不禁，民食與治安，均將發生重大之困難，其為害更不可設想也。

(2) 洋土之輸入 自歐戰告終 各國競以過剩之麻醉毒藥輸入我國，降及近年，為數愈鉅。英日德瑞法印度波斯等國之鴉片及麻醉毒品，特其在華之領事裁判權，及種種不平等條約為護符，每年輸入我國之數量，約在二百萬磅左右。據民國十五年前半年江海各關統計，查獲外洋輸入之嗎啡高根海洛因等麻醉毒品，共計一萬一千八百五十餘英兩；洋土數尤激增，僅就江海關一隅而論，全年計有五萬九千五百八十九英兩，尚有未經查獲者，其數不止十倍。據伍連德統計，外洋每年入口之麻醉毒品，總數實在七十萬兩以上，就其價值計之，金錢損失，不下數千萬元，而對我國國民身體找賊，智能斲之喪，其損失更難估計。此外又有外人在華私設工廠，製造嗎啡，而不肖華人，亦競相仿造，

在南滿山西河北山東河南等處爲尤多，據統計，山西一省，每年損失於日法之金丹白丸者，達一萬萬元；濟南一城，每年銷售日本毒物，達五千餘萬元，此等嚴重現象，實英日德荷法等帝國主義者滅我種族之惡毒政策，凡我國人，當亟猛省！

(3) 華僑之受害 鴉片之禍，不但流傳國內而已，居流南洋羣島之八百餘萬華僑，亦深受當地英荷法葡各屬殖民政府公賣鴉片之慘禍。據調查，英荷法葡各殖民地，均嚴定禁律，不許白種人吸食鴉片違者處以十年監禁之罪；獨對華人則否，不但不禁，反實行公賣，並設種種方法以誘惑之，獎勵之，結果華僑受其戕害者不可勝計。苟有提出抗議者，則當地政府動以華僑吸煙已成天性爲辭，然實際調查則反是。查吸煙之華僑百分之八十七均係在當地染癮，在國內帶癮而往者僅百分之十三；帝國主義者鴉片政策之慘酷，蓋可想見。此外南洋各殖民政府均恃華僑煙稅爲大宗收入。據一九二二年之調查，英屬海峽殖民地鴉片稅收入達一四，七三〇，七二四元，佔全部政費百分之四二，九；英屬馬來羣島鴉片稅收入達二九，四七二，〇七四元，佔全部政費百分之二八·六；荷屬

東印度羣島，（一九二四）鴉片稅收入達三〇，五〇〇，〇〇〇元，佔全部政費百分之三〇；荷屬鴉片稅收入達六，〇〇〇，〇〇〇元，佔全部政費百分之六〇；於此可知千萬之僑胞，實無日不呻吟於帝國主義者鴉片政策之下，而輾轉就斃！故吾人除努力掃除國內煙毒外，並須協贊政府，厲行革命外交，與列強強硬交涉，務達取消鴉片公賣之目的，以拯此顛連無告之僑民。

二、禁煙運動的意義及史略

我國於鴉片戰爭一役，喪師割地，賠款開埠，開訂立不平等條約之惡烈，奇恥大辱，刺戟至深，舉國人民，多已覺悟，均認爲煙禍不除，卽永無挽回頹運之望；是以戒煙聲浪，高達雲霄。惜清吏腐敗，禁煙不力，時弛時張，未能收效。民國以後，戰亂頻仍，軍閥續起，煙禁大弛，毒穢反張。迨國軍北伐，統一全國，海宇澄清，厲行訓政，凡所設施，一以主義爲歸宿，胥切人民之要求，政府內審國情，外衡大勢，知非禁煙不能

恢復國際地位，非禁煙不足以言訓政；爰本總理拒毒之遺教，毅然廢止『寓禁於征』之秕政，實施完全禁絕之政策。設立全國禁毒委員會，切實施行，以與國民更始，實現三民主義。茲述禁煙運動之意義及其史略於下：

甲。煙禁的重要意義

1 煙禁是民族轉弱為強之關鍵 總理昭示吾人：『要挽救我們中國，維持我們民族，惟有提倡民族主義；提倡民族主義惟一方法，就妥恢復民族精神。』然我海內外數千萬同胞，今方深中於煙毒，非特本身殘廢，其子孫亦萎弱可憐，東亞病夫之稱，由來已久。似此奄奄一息之民族，雖欲苟延殘喘，尙不可期，遑論恢復民族精神。實現民族主義。故從民族生存方面言，固須禁煙，而在民族主義立場言，尤非努力禁絕不可。非煙禁不足以挽救民族之危亡，非禁煙不足以實現民族主義；禁煙乃拯救我民族轉弱為強之最重要關鍵，禁煙運動為實現民族主義之基本工作！

2 禁煙可提高民族國家之地位 我國歷年與外國訂立各項禁煙條例甚夥，例如前清光

緒三十四年禁運嗎啡鴉片及藥針章程，宣統三年禁限嗎啡來華新章，民國二年海牙和會國際鴉片條約，以及國際聯盟禁煙委員會歷次會議；其直接影響於我國者，更屬至重且巨。年來國內戰爭，煙禁廢弛，屢受列邦之責難，大損國家之威信。民國十三年我國代表在日內瓦國際禁煙大會之失敗，及十七年九月日內瓦國際聯盟大會通過英國遠東鴉片調查團之提案，胥足以證明我國國際信用之崩壞，及地位之低落。然產毒各國，對於毒物之運銷，本無禁絕之誠意，故每百般藉口，增加運額；萬惡皆歸於我，實利則由彼得，名實俱損、言之痛心！審是、我國厲行禁煙，與國際限制毒藥實有密切之關係；我國煙毒一日未能禁絕，帝國主義一日難就範圍，而民族國家之地位亦無法使之增高。欲抵制毒品之輸入，提高民族國家之地位，非迅速禁絕鴉片不可。

3 禁煙可使社會安定政治修明 凡人一經吸食鴉片及其他麻醉毒物，其身體精神志氣道德，必俱一落千丈，無可挽救。我國煙民，數達三千餘萬，其在一般民衆，煙癮既成，資財蕩盡，必至流爲盜匪，劫掠爲生，破壞社會之安甯，搖動國家之基礎。其在治者

階級，苟已吸煙成癮，終必神志昏迷，天良日昧，本身既陷於毒中，遑問講安求治。於是輕則放棄職務，叢脞誤國，重則勾庇運販，縱毒殃民，過去盜匪之猖披，吏治之腐敗，鴉片之毒害，亦其一因。方今革命政府，對於毒物之禁絕，已下最大之決心，籌有最善之辦法，果能上下一心，努力進行，則正本清源，煙禍芟除之日，社會立歸於安定。而政治亦日趨修明矣。

4 禁煙可增加生產發展經濟 我國地大物博，農產豐饒，所謂膏腴沃壤，天府之邦，向以麥稻絲麻見著於世界。不幸自競種罌粟之後，高地變為煙山，桑田盡種毒卉；無知農民，只顧暫時獲利，忘却將來禍害，以至煙苗之種植日多，稻麥之收入日減。十餘年來，人民之生活甚難，國家之財賦亦減，飢饉荐臻，振救無力，長此以往，將見民生陷於絕境，國家瀕於危亡，亡國滅種之禍，翹足可待。據調查報告，國內產土之量，歲達二萬萬餘兩；使侈此歲產毒物二萬萬餘兩之土地以植米麥菽粟，則不惟人民生計可以稍蘇，而社會經濟亦可稍裕，又何至國病民貧，至於此極。故欲增加生產，發展經濟，其

本根要圖，首在厲行煙禁。

乙，禁煙運動的史略

1 滿清末年禁煙之失敗 鴉片之輸入我國，遠在滿清中葉，實帝國主義者滅我種族之陰謀，稍明事理者類能道之。惟當時清廷昏庸頹頓，人民亦懵然罔覺，至任所欲爲，毒溥海內。直至滿清末年，乃有黃爵滋林則徐等起而倡議禁絕，喚起朝野之注意。黃氏論鴉片之弊害，至爲沉痛，其語云：『以中土有用之財，填海外無窮之壑，易此害人之物，漸成病國之憂。』又云：『鴉片煙產自英吉利，嚴禁本國人用食，專以誘他國之人，使其軟弱。既以此取葛留巴，又欲誘安南，爲安南嚴禁始絕。今則蔓延中緬，槁人形骸，蠱人心志，喪人身家，實生民未有之大患！其禍烈於洪水猛獸，非雷厲風行，不足以振聳發聵。請仿周官車軌之法，治以死罪！』黃氏屢次奏請，始限一年六月禁絕。林則徐鑒於煙禍之盛行，亦向清廷力陳，有『鴉片之毒，甚於洪水猛獸！天下萬世之人，斷無有以鴉片爲不必禁者。……此禍不除，十年後無可用之兵，無可籌之餉。……鴉

片流毒內地，如癰疽流毒人身；癰疽生則漸以成潰，鴉片來則漸以致寇。……必須將鴉片煙銷除淨盡，乃為杜絕病根，』等語。旋奉派赴粵禁煙，有尼之者，林曰：『死生命也，成敗天也。苟利社稷，不敢不竭股肱，以為門牆辱。』到粵後，即先嚴辦包庇洋土之貪官污吏，藉沒財產，焚燬毒物。凡英人運烟入口者，均按律嚴懲，因與英人發生衝突。英人率艦來攻，林嚴陣以待，不得逞，乃轉攻江浙等省沿海。當時內政腐敗，兵力單薄，屢戰屢敗，朝臣疆吏，不諳外交大勢，皆歸罪於林；林乃被斥去職，禁煙之舉，因亦中止，至可惜也。此為初期之拒毒運動，其失敗之故，乃由清廷對煙禍無澈底之認識，對禁煙無切實之辦法，人民亦認此為政府之事，與己無關；以致此少數明達之官吏，竟至孤立無援，一籌莫展，而煙毒之流行，乃視前加甚。此誠我國歷史上最可痛心之事。

2 民國初年禁煙之經過 自林則徐禁煙失敗後，印度鴉片免稅入口，充斥國內，各省愚民貪圖厚利，復紛紛自種鴉片，煙禍蔓延，不可收拾。清廷逼於輿論，乃於光緒三十

一年與英國訂十年禁絕之條約。雙方遞減鴉片之輸入及種植，英人將印度鴉片逐年遞減十分之一，我國亦取締國內種植之鴉片，至十年期終，雙方一致禁絕。自是以後，清廷頗能履行條約，嚴厲執行，國內煙禍，因以稍殺。民國成立，繼續努力，雷厲風行，至民國五年，全告肅清，爲世界所公認。是年我國政府且不惜犧牲三千五百萬金，向上海英商購買存土，付之一炬，以示決心，前此禁煙之效，此爲最著。惜此後戰亂頻仍，軍閥紛起，各據一方，競相種運，致鴉片之禍，死灰復燃，燎原之勢，不可撲滅。推原其故，一方固由於軍閥玩法弛禁，一方亦由於政府未了解鴉片問題之複雜與困難，徒恃高壓手段，禁絕民間嗜好，未能以有效之方法，作根本之剷除。蓋當時雖積極禁治，而未嘗以煙毒與國家民族之關係曉諭國人，人民雖畏法輟種，勉斷煙癖，然政局一變，禁令稍弛，卽又故態復萌，變本加厲，故此次之失敗，實予吾人以極好之教訓。鴉片之毒根深蒂固，徒恃法律，未能奏效，非令人民皆有深切之覺悟，起而作法律之後盾不可。

3 民衆禁煙運動之勃興 歐戰期間，因醫治傷兵之用，鴉片麻醉品之需要大增，各出

產國乃大事製造，以供需求。迨歐戰告終，毒物過剩，乃私運來華，以戕害我同胞，同時各省軍閥復強迫種煙，包運庇售，煙禍之烈，莫甚於此時。有識之士，奮起呼號，共作拒毒運動，前仆後繼，志不稍衰。如廈門之禁種煙苗會，江西之勸戒鴉片運動會，浙江之除毒協會，上海全國基督教協會之拒毒委員會，山西之拒毒運動會，北平之全國禁煙聯合會等，其最著者也。惜無系統組織，收效未宏。民國十三年秋，國民拒毒運動崛起於上海，響應遍於全國，努力作拒毒之宣傳與教育，主張重整煙禁，反對種種抽稅專賣登記等政策，頗為政府及各省當局所採納；惜政府仍無積極的禁絕良策，致成效未大著。至十七年九月，國民政府採取完全禁絕鴉片政策，開煙禁之新紀元，民衆之拒毒運動，與有力焉。

4 本黨政府禁煙之設施 本黨革命政府奠都南京後，鑒於已往禁煙政策之空疏謬誤，煙毒流布之普遍迅速，不兩禁絕，國將不國；乃遵照 總理禁煙之遺訓，毅然實施禁絕政策。既設全國禁煙委員會，以專責成，又開全國禁煙會議，廣集衆意。計通過重要議

案四十四起，率皆根本剷除煙禍禁絕毒物之要圖。閉會之後，業已按照步驟，積極施行；除租界商埠外，昔日公開種售鴉片之區域，今已相率斂迹。又鑒於往昔法規之未善，新訂禁煙法，種運售吸，加重治罪，十足使犯者知所做傷。其他如釐定麻醉藥品管理條例，以限制外來毒品之輸入；訂定禁煙考績條例，以定公務員辦理煙禁之獎懲；訂定公務員調驗規則，以肅官方；釐定縣長履勘煙苗章程，期無偷植；又訂禁煙罰金充獎規則，以資獎勵告發人等等，均先後公佈施行。以上所述，均為本黨革命政府禁絕煙毒之根本設施，所望上下一心，協力進行，則百年之煙毒，不難一旦廓清也。

三、剷除煙禍的實施辦法

鴉片嗎啡海洛因高根等毒物之癮染，不但足以喪身敗家，並可亡國滅種，已如上述，誠世界人類之公敵。今欲底禁絕，非有切實之具體辦法，不能收圓滿之效果，茲約舉其辦法於次：

甲，政府方面

1 禁種 禁煙之治本辦法，莫重於禁種，若不肅清煙苗，則運售吸製四者均難收禁絕之效；宜全國一致厲禁，以斷絕鴉片之來源。

(子)於每屆秋季前，由地方政府，重申種煙禁令，嚴厲禁止。

(丑)責成地方政府，及自治機關，宣傳種煙之禍害，中央禁煙之決心，處罰之嚴厲等。

(寅)責成各縣長，切實遵照縣長履勘煙苗章程，隨時親往各鄉，認真履勘，嚴防偷種。

(卯)由政府委派專員，分往各省秘密調查，以免隱匿庇縱之弊。

(辰)將各省分爲若干區，由禁煙委員會委派專員，會同地方政府，實施調查當地歷來種煙數量，與地方經濟及生產之關係，會種鴉片之土地性質，暨地方之氣候雨量等；會同農墾部，研究煙地之改良，及應行換種之農作物，

由地方政府發給農民播種，並責成於換種後，派員視察成績之優劣，列表具報，以便繼續研究改良之方法。

(2) 禁運 鴉片及其他麻醉品，或由外國輸入，或係內地種製，應嚴厲禁止奸商販運，以斷絕毒物之流通。

(子) 全國海陸空交通機關員役，如有藉職務上之便利，夾帶鴉片，及其代用品，一經查獲，除依法嚴懲本犯外，並予彼直屬長官以處分。如係私人開設之交通處所，除依法辦理外，並得酌量情節，停止其航行權，或沒收其用具。

(丑) 責成財政部，交通部，嚴令所屬各海關，各郵局，及輪局，認真檢查，以杜偷運。

(寅) 責成各地方政府，嚴令所屬水陸禁煙機關，嚴密查緝，如有營私和舞弊情事，依法重懲。

禁煙運動宣傳綱要

禁煙運動宣傳綱要

二二

(卯)在全國各重要口岸，設置查緝處，由禁煙委員會派員會同該地高級地方政府辦理。無論中外商船輪隻，一律施以檢查，以免假手外輪輸運毒品。

(3)禁吸 麻醉品及其製劑，如金丹紅白丸等，其爲害之烈，甚於鴉片，應設法杜絕吸食，迅速戒除毒癖。

(子)黨政軍各機關公務員，查犯有吸食鴉片或其他代用品之嫌疑者，悉依公務員調驗規則調驗。

(丑)責成各地高級地方政府，督飭所屬禁煙機關，嚴禁吸用鴉片，及其代用品，一經查獲，除依法罰辦外，並勒令戒除。

(寅)限令各地地方政府，於短期間內，籌辦戒煙醫院，凡自願入院求戒者，得從寬免辦。

(卯)戒煙藥品，除公家處方或審驗特許者外，一律禁止發售，以防入毒品替代

(辰)由外交部向各國公使嚴重交涉，絕對禁止各地租界庇縱吸用鴉片及其代用品。

(4)禁製 嚴厲禁止人民煮煎煙土變成煙膏，及製造其他代用毒物。

(子)本國人民，在租界內幫同外商，或在內地受外商之僱用，私製鴉片及其他用品者，一經查獲，由地方政府連同查獲毒品送交法庭，依法嚴懲。

(丑)享有領事裁判權國籍之外商，其匿居租界或內地，私製鴉片或其他用品者，一經查出，由各地方政府向該管領事嚴重交涉，將該外商依法懲辦，並驅逐出境。如交涉無效，應將查獲證據並一切詳情，呈由禁煙委員會咨請外交部，轉向該國公使交涉。

(5)禁售 煙土及麻罌品雖為吸戶所需要，但若無人販售，則煙禍可不禁自絕。

(子)責成各地高級政府，督飭所屬禁煙機關，嚴密查禁售賣鴉片，及其一切代用品。如公務員犯有此項事件者，依法加重治罪。

(丑)勒令全國各地，凡藏有鴉片及其代用品者，於一定期間，呈繳所在地地方政府，由中央派員監視焚燬。

(寅)各租界內之禁售鴉片與其他代用品及煙具事項，責成外交部與各國公使交涉，限期肅清。

(6)教導鴉片流毒社會，至深且久，近年各種麻醉品輸入中國，爲害亦復不淺，強制禁戒，純由外力，外力一去，卽難免有死灰復燃之虞；必使民衆內心覺悟，能自動拒毒，而後可以一勞永逸。其根本辦法，除勸導人民勿種勿運勿吸勿製勿售外，並須從教育根本上着手。因兒童爲國家社會將來之中堅，使於烟禍有深切之認識，及同具斐絕之決心，則於其家庭影響甚大，將來出而服務，亦能與煙毒及各種麻醉品搏鬥到底，而收禁絕之全功。美國之禁酒，多得力於中小學教育，吾人當知取法；中小學一切教科書內，應儘量加入關於拒毒教材。

(子)公民教科書內，應痛陳煙害，並說明種運售吸之觸犯刑律。

(丑) 歷史教科書內，應詳編鴉片戰爭史，與林則徐之奮鬥情形。

(寅) 地理教科書內，應詳載鴉片煙及麻醉品之產地及運輸銷售情形。

(卯) 衛生教科書內，應說明吸服鴉片及麻醉品於生理之影響。

(辰) 初級小學教科書內，將上述四項併成一項，合編社會教科書。

(巳) 自然教科書(包括化學植物學等)內，應詳述罌粟及麻醉品之形態成分品性及毒害。

(午) 將總理拒毒遺訓，製成照片，插入各種拒毒教材內。

(乙) 社會方面

(1) 普遍禁煙宣傳鴉片之禍，根深蒂固，深入我社會與家庭，非空言禁絕所可奏效，非徒恃禁律所可成功；故須喚起民衆，造成禁煙輿論，作自動之努力，以補法律之不足。過去禁煙運動之失敗，其最大原因，即爲缺乏普遍宣傳，致一般民衆未深刻認識鴉片之毒害，以爲政府禁煙之後盾。今國民政府既採用斷然禁絕之政策，即應作大規模

之拒毒宣傳，凡經國府頒布之禁煙法，禁煙法施行規則，及新刑法中之鴉片罪，亦須充分宣傳，使人民知所警惕；勿輕嘗試。

(子) 語言宣傳 由各地公務人員及教育界人士，組織宣傳隊，除普通講演外，並編製拒毒劇本及歌詞，分赴各娛樂場所及大道通衢，實行演唱，以資警惕。

(丑) 文字宣傳 由禁煙機關刊行禁煙定期刊物，字句務求淺顯，且宜多加插畫，以期通俗。此外全國各地報紙雜誌，應發行禁煙特刊或專號，或特闢專欄 刊載全國禁煙運動種種消息，使全國人民明瞭鴉片與各項麻醉毒藥之毒害，羣起作禁煙救國之運動。

(寅) 藝術宣傳 繪畫電影之宣傳，效力甚大，禁煙機關應繪觸目驚心之拒毒圖畫及影片，張映於窮鄉僻壤，使人民得有深刻之拒毒印象。

(卯) 國際宣傳 各禁煙機關，宜刊行西文書報，特設國際宣傳員。關於海外華僑受毒之狀況，帝國主義者鴉片政策之險毒，及我國努力禁煙之情形，對外宣傳，

期早禁絕，以期增高我民族國家地位。

(2) 協助政府推行禁煙法令 國民政府之禁煙法，及其實施規則，乃遵從 總理拒毒遺訓，根據本黨黨綱，及採納人民公意而釐定頒布者，凡我同志及全國民衆，均當一致協助政府推行禁煙法令，以期實施而收宏效。然而禁律之發生效力，不能專恃政府嚴厲執行，而在人民能自動遵守。苟人民視禁律如其文。陽奉陰違，則雖政府組織完密，勢亦不能一一拘治，故吾人欲政府禁煙法令之有效 首在人人自動遵守。不問當局能否執行，不問他人是否守法，吾人應先自倡始，以身作則，以造成守法之風氣，助禁力之所不及。苟有違反禁令，或詭法舞弊者，不問其爲社會名流，工商鉅子，或軍政領袖，吾人當本 總理大無畏之革命精神，不妥協之禁煙遺訓，羣起而檢舉之，監視之，務使法令得以推行無阻，煙禁不致徒託空言，則毒物之掃除，可拭目而待矣。

四、對禁煙應有的努力

禁煙運動，乃極重大而極艱鉅之工作，政府只能舉其綱領，欲求效溥而時速，尙有待於全國民衆之共同努力。現政府既有根本禁煙之計劃，則民衆亦須下奮鬥到底之決心，通力合作，以底於成。洗滌東方病夫之恥辱，從事於建設事業，庶總理之三民主義得以完全實現，中國民族得以永遠適存於世界。

甲，政府方面的努力

(1) 嚴厲執行各種煙禁決議 我國禁煙律令，本至嚴密，若能嚴厲執行，則芟除煙禍，事亦至易。惜歷年軍閥專橫，政府當局，寄生武人勢力之下，未能認真辦理；遇有勢力之人，常作投鼠忌器之想。致法令等於虛設；禁煙久而無功。總理遺訓者有言：『鴉片營業，絕對不能與人民所賦予權力之國民政府兩立。……中國之民意，未有不反對鴉片，苟有主張法律准許鴉片營業，或對鴉片之惡勢力表示降服者，均爲民意之公敵。……對鴉片之宣戰，絕對不可妥協。苟負責之政府機關，爲自身之私便，對鴉片下旗息戰，不問久暫，均屬賣國之行爲，』可知總理對於煙禁，極主嚴厲。吾人希望中

中央政府及各省當局力反前此車閱政府之瞻徇貽誤，嚴厲執行禁煙會議各種決議，凡有犯法毀法者，照律嚴辦，勿稍寬宥，以期鴉片毒物，根本廓清。

(2) 廢除不平等條約 不平等條約 由鴉片戰爭而來；鴉片爲不平等條約之禍根，而不平等條約又爲鴉片之護符。帝國主義者利用內河航權以明輸暗運，利用租借地界以屯聚批發，又利用領事裁判權，潛入內地，販運兜售；於是鴉片毒害，遂瀰漫中國，造成今日之衰弱。故不平等條約一日不取消，則鴉片根株永無掘滅之希望。不平等條約之取消。關係於國家權利者固鉅，而影響於禁煙前途者則尤深。此革命政府刻正努力以赴之目標，而亦我全國民衆所當一致擁贊者也。

(3) 收回租界 租界爲鴉片貿易之中心點，毒物製造之大本營，煙館林立，公開吸食，故內地煙徒，皆以此爲遁逃藪。我國禁煙三十年，內地煙禍，本已逐漸肅清，如無各地租界及鐵道區域以爲之明製暗運，窩藏庇縱，則全國煙毒，久已掃除。蓋現在我國法律及政治力尙不能施行於租界，煙禁加嚴，則煙販煙徒，相率逃匿於租界，而租界不

但不協力禁止，反從而保護之，獎勵之，特爲利藪，於是我國煙禁，遂終不免於失敗。則是租界一日不能收回，則煙禁問題一日不能解決，無論國內如何努力，亦不能根本收效。我國民欲求禁煙之澈底成功，卽應協贊政府，厲行革命外交，於最短期間內，收回一切租界！

乙、民衆方面的努力

(1) 農工應摒絕煙禍努力生產 我國以農立國，農民之數，佔全人口百分之八十以上，國家之生產組織國民之物質生活，多托根於農業上面，立國之基礎及國家之經濟，亦均建築於農人身上；農民生產能力之豐瘡，實能縮握國家之盛衰。今者煙苗幾遍全國，麥黍稻粟之生產，日漸減少，糧食缺乏，飢饉頻聞，此實爲我國農業上之一大險象，苟不迅速改圖，則農村經濟，愈益凋敝，影響國家，殊非淺鮮。我全國農人應當及早覺悟，一致不種鴉片，努力耕稼，盡忠於一己之天職，爲國家增加生產，供給工廠以廉價之原料，供給國人以生活之需要。次之則爲勞動工人，亦居全人口之大部份。我國今處於

產業落後經濟衰敗時期，工人與國家之關係，及其在國民革命中所負之責任，必須明確認識。總理曾對工人言：『工人不但是對於自己團體之中有責任，在自己團體之外，還有更重大的責任。此種更重大的責任，是甚麼呢？就是國民的責任……就是擔任抬高國家地位的責任，如果不能擔任這個責任，諸君便要作外國的奴隸。若能夠擔任這個責任，把中國變成世界上頭等強國，諸君便成世界上頭一等工人！』我國工人之地位與責任，既如此其重大，宜如何鍊鍛身體，加倍勤勞，加倍刻苦，精進一己之技術，努力製造國貨，改良國貨，以增進國家之生產，克盡救國之義務。而國內工人及海外僑胞，每有感於工作之疲勞，乃吃食鴉片嗎啡紅丸金丹等麻醉品物，以求一時之興奮者。似此取快一時，飲鴆止渴，匪特戕賊身體，虛耗資財，抑且影響生產之能率，推陷國家於危境，凡我工人僑胞，其已沾染毒癖者，應以斷腕斬麻之精神，決意戒絕，努力生產，以盡工人救國之責任。

(2) 商民應絕對拒販毒物 自政府厲行禁煙後，一般商人熱心贊助，拒賣毒物者雖多

，而乘機取利，變本加厲者亦不少。此等奸商，目光如豆，罔顧利害，只求有利可圖，不惜鴆毒同胞。過去之歷次禁煙運動，多為一般奸商所破壞，勾通外人，為虎作倀，貪受帝國主義之餽餘，忘却亡國滅種之慘禍，無論販賣毒物，觸犯刑章，一旦破獲，身敗名裂，就令倖不發露，販毒致富，而害羣禍國，見利忘義，亦為國人所不容，必受社會之裁制。際茲禁煙嚴厲期中，我國商人，必須澈底覺悟，痛下決心，激發愛國之熱忱，捨棄販毒之職業，以身作則，互相勸勉。其有至死不悟，甘為公敵者，即應破除情面，聯名告發，使受法律之裁制，以驅逐商界之敗類，能如是，則販運無人，無從購買，外來之鴉片毒物，必因此而絕滅。

(3) 青年應以身作則喚醒國民 自五四以後，所有愛國運動，多為青年所領導，而歷次之禁煙運動，亦莫不以青年為中堅；其於社會之影響，國家之貢獻，至為偉大。蓋青年學生，備受教育，意志純潔，其智識較一般民衆為高，其言行易博國人之信仰；凡為青年學生所領導之運動，多得全國之聲援，收莫大之效果。鴉片之毒害，我青年知之最

深，仇之最甚，正宜以身作則，爲天下倡；並本前此領導民衆參加革命之精神，努力於言語文字之奮鬥，喚起國人，以從事於肅清煙禍。將見振臂一呼，全國響應，最短期間，自動禁絕；較之政府之三令五申，官吏之嚴查重罰，其收效何啻倍蓰。我青年參贊革命，著有辛勞，憲政期成，厥望尤切；際茲訓政期間，宜更努力於下層工作，積極領導禁煙運動，以促訓政之完成。

(4)軍警應恪遵法令厲行禁烟 已往之煙禁，每破壞於少數不肖軍警之手。蓋軍閥時代，動以軍費無着，不惜飲鴆止渴，大開煙禁；其下級軍士，乃相率效尤，包庇勒索，恣行無忌。關吏雖明知偷運，而無法查截；警士雖明知吸食，而不敢拘究。法令等於具文，機關形同虛設。現政府決意禁絕，嚴定罰則，犯人軍法，科刑尤重。我革命軍人以救國救民爲職志，有服從守法之義務，切應珍重過去光輝之歷史，維持革命軍人之榮譽，力反前此不肖軍人之所爲，與國民共同努力於禁煙運動。至於警察之職責，在於防止不法，保護治安，務宜痛革往昔庇護之惡習，認真查禁，對於種運吸食鴉片及其他

麻醉毒品者，嚴密偵查，勿稍疎忽；則禁煙之法令可以通行無阻，而烟禍以可以尅日肅清矣。

五 標語口號

- (1) 鴉片麻醉品有害於我中華民族的生存！
- (2) 鴉片麻醉品有害於我國民經濟的發展！
- (3) 鴉片麻醉品是帝國主義的亡國滅種政策！
- (4) 禁煙運動是遵奉 總理的遺志！
- (5) 禁煙運動是訓政建設的重要工作！
- (6) 禁煙運動是雪鴉片戰爭的恥辱！
- (7) 禁煙運動是發揚民族精神培養國家元氣！
- (8) 禁煙運動是提高民族國家的地位！
- (9) 禁煙運動是解除民衆的痛苦！

- (10) 打倒帝國主義的鴉片政策！
- (11) 廢除鴉片戰爭所釀成的不平等條約！
- (12) 收回包庇販賣鴉片的一切租界！
- (13) 禁止外洋輸入鴉片海洛因嗎啡高根紅丸白丸等麻醉毒品！
- (14) 澈底禁絕亡國滅種的鴉片！
- (15) 拯救飽受煙毒的華僑！
- (16) 擁護政府禁煙政策！
- (17) 全國民衆誓遵 總理拒毒遺訓共同禁煙！
- (18) 海外僑胞一致起來努力禁煙運動！
- (19) 擴大民衆禁煙運動！
- (20) 禁煙運動成功萬歲！
- (21) 訓政建設成功萬歲！

禁煙運動宣傳綱要

禁煙運動宣傳綱要